

կան: Դա պայմանավորված է նրանով, որ տեխնիկական առաջընթացը բերում է հիմնական ֆոնդերի առաջանցիկ աճին՝ շրջանառու ֆոնդերի համեմատությամբ: Ասկայն, ֆոնդահատույցը կրարձրանա այն դեպքում, երբ հիմնական ֆոնդերի միավորին՝ բաժին ընկնի ավելի շատ շրջանառու ֆոնդեր:

Մտքերի աշխույժ փոխանակություն ծավալվեց հիմնական ֆոնդերի արդյունավետության բարձրացման համար արտադրության տարբեր օղակներում միջոց համամասնությունների պահպանման հարցի շուրջը: Հանդես եկող ընկերները (Տ. Աշիմբան, Ա. Հարությունյան) նշեցին, որ հիմնական ֆոնդերի առանձին մասերի վերարտադրության միջև համամասնությունները կարելի է պահպանել պլանավորման հաշվեկշռային մեթոդի օգնությամբ:

Դիտաժողովում զեկուցումներ կարդացվեցին նաև արտադրության կազմակերպման ձևերի կատարելագործման (Լ. Վարդանյան), կապիտալ ներդրումների արդյունավետության վրա գների աշխարհագրության ազդեցության (Վ. Տորբին), Հայաստանի արդյունաբերության մեջ կապիտալ ներդրումների փաստացի արդյունավետության (Վ. Անդրեասյան) և քննարկվող տրոբլեմի հետ առնչվող այլ հարցերի մասին:

Վերջում գիտաժողովը քննարկված հարցերի վերաբերյալ ընդունեց կոնկրետ հանձնարարականներ:

Է. ԳՐԻԳՈՐՅԱՆ

Մ. ԱԲԵՂՅԱՆԻ ԱՆՎԱՆ ԴՐԱԿԱՆՈՒԹՅԱՆ ԻՆՍՏԻՏՈՒՏՈՒՄ

Ապրիլի 23—24-ին տեղի ունեցավ Մ. Աբեղյանի անվան գրականության ինստիտուտի երիտասարդ գիտաշխատողների և ասպիրանտների գիտական նստաշրջան՝ նվիրված հալ գրականության պատմության ու տեսության սարբեր հարցերի:

Ինստիտուտի դիրեկտոր Վ. Նալբանդյանի բացման խոսքից հետո լսվեցին մի շարք զեկուցումներ: «Ինքնանյանի ստեղծագործական մտածողության հարցերից» թեմայով հանդես եկավ ինստիտուտի տեքստաբանության բաժնի ասպիրանտ Զ. Ավետիսյանը, որին հաջորդեց հայ հին գրականության բաժնի գիտաշխատող Վ. Ներսիսյանի «Ալյաբանությունը միջնադարի հայ տաղերգության մեջ» զեկուցումը:

Ապա լսվեցին նույն բաժնի ասպիրանտներ Կ. Մուրադյանի «Բարսեղ Կեսարացու «Վարք»-ի հայերեն գրչագիր խմբագրությունները» և Հ. Սիմոնյանի «Պղնձե քաղաքի պատմության» հայերեն թարգմանությունը և նրա բնագրային կաֆաները» զեկուցումները:

«Պատմվածքի ժանրային բնույթի ըմբռնումները ժամանակակից գրականության մեջ» թեմային էր նվիրված գրականության տեսության բաժնի գիտաշխատող Լ. Ղազարյանի զեկուցումը:

Նստաշրջանի մասնակիցները մեծ հետաքրքրությամբ լսեցին գրականության տեսության բաժնի գիտաշխատող Ն. Ադալյանի «Սովետահայ բալլադը» և տեքստաբանության բաժնի գիտաշխատող Ա. Չարենցի «Նդիշն Չարենցի մի անավարտ պոեմի մասին» զեկուցումները:

Հայ նոր գրականության բաժնից զեկուցումներ կարդացին Լ. Դավթյանը՝ «Լևոն Մանվելյանի պոեզիան», Վ. Կիրակոսյանը՝ «Ինտրայի ստեղծագործությունը» և Ն. Անանյանը՝ «Արևմտահայ սենտիմենտալ վիպագրությունը 50—60-ական թվականներին» թեմաներով:

Սովետահայ գրականության բաժնի երիտասարդ գիտաշխատող Վ. Դրիգորյանի թեման էր «Սովետահայ դրամատուրգիայի սկզբնավորումը», իսկ «Սովետական երիտասարդական արդի պոեզիայի մի քանի հարցերին» էր նվիրված Ֆ. Մելոյանի զեկուցումը: Եվ, վերջապես, գրական կապերի բաժնի գիտաշխատող Վ. Փաթթամյանը կարդաց «Հայ գրականությունը անգլերեն լեզվով հրատարակված պարբերականներում» զեկուցումը:

Երիտասարդ գիտաշխատողների և ասպիրանտների զեկուցումների շուրջը ծավալված մտքերի փոխանակությանը մասնակցեցին բանասիրական գիտությունների դոկտոր Ս. Սարինյանը, բանասիրական գիտությունների թեկնածուներ Մ. Նահապետյանը և Ա. Զաքարյանը: